

آبونه شرائطی

داخلی ، خارجی هریر ایچون  
سنه لکی (۲۵۰) ، آلتی آیلنی  
(۱۳۰) غروشدر .

[ نسخه سی ۵ غروش ،  
سنه لکی ۵۲ نسخه در ]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسئله موافق آثار مع الممنونیه  
قبول اولنور . درج ابدله بن  
یازیلر اعاده اولونماز .

# کتابخانه

دینی ، فلسفی ، علمی ، ادبی هفتلق مجموعه اسلامیه در

والله یهدی من یشاء الی صراط مستقیم

باش محرر  
محمد طاکف

صاحب و مدیر مسئول  
اشرف ادیب

اتبعون اهدکم سبیل الرشاد

عدد : ۳۷۶

۲۴ محرم ۱۳۳۷

پنجشنبه

۳۱ تشرین اول ۱۳۳۴

جلد ۱۵

اولانی وارکه نظر دقتی جلب ایتلیدر . بو کیریلنک کورک حصوله کتیردیکی معین بر محیط و او محیطک بو کون تعین ایتش بر ذهنیتی ، حیات حقیقه چیرکین بر تلقیسی وارکه هر کون اطرافه دهها زیاده طاشمق ، تأثیرینی دهها ایلراره کوتورمک قدرتی کوسرتیور . بر طرفدن قولایجه و مملکتک ضررینه اولهرق قازانیامش بول پارلرک تأمین ایدر کی کوروندیکی مرفه بر حیات وارکه حرب زینکیندیله پاره چالمش و آلان آسوده یا نایان آدملرده تجلی ایدیور . دیگر طرفدن سربست طورلری ، سربست و آشیری ذوقلریله آوروپا قادین حیاتی تمثیل ایدر کی کوسرتیلن و عالمه اخلاقی ، جنسیت اخلاقیه قطع رابطه ایتش اولان بر قادیناق حیاتی شکل ایتدی . بولردن برینک قولای و جزاسز ، دیگرینک حر و مجاز کورولمی یکی پیشن ارکک و قیز چوققلر اوزرنده بک فنا بر تربیه تأثیری بر اقدی . او قدرکه بو جانی و قوتلی نمونه لک تأثیری آلتنده قاهره کندی شیمیدین او حیاته آلیشدیران ، او حیاته مقدر کورن نبل و جاهل ، اغرنده سیغازه ، کوزنده مونوقل بر ارکک کنجلیکی اوته طرفده قادیناق حیاتک ذوق و مشغله لرینی بک فنا آکلامنه باشلایان بر قیزلق کورولویور . یکی و اخلاقی بر حیاتک عکس العمللری شمدیدن کندی کوسرتیور ، یعنی کرک شدتلی جزالر ، کرک افکار عمومی بک شدتلی تقیحلری ، عالمه و مکتب تربیه مزک ، مطبوعاتک تلقینلری بو اخلاق دیزکینلری بر آز کروب طوبیلامازسه دهها بویوک و قطعی بر افلاس قارشیننده قالیرز . اخلاق تلقیسی حال طبیعده کی معقول حدودلری داخله ارجاعه چالیشه لم . مملکتک آتینی آنجق اوزمان قورتاراییلیز .

سبیل الرشاد  
 دینی ، ملی ، اجتماعی ، اخلاقی بوتون اساساتزی ده ویره رک پیرینه نظری بر طاقیم مؤسسات موهومه اقامه ایتک ایستین واسکی حیات دییه تزییف ایتدکاری شاعر زبیه مزک برر برر بیقیدیلغنی کوردکجه « یکی حیات ایچون ساحه آچیلیور . » ترانه لرله اعلان شادمانی ایدن « یکی مجموعه ، نک محررلرندن ولو برینی اولسون آرتیق یوله کلمش ، اخلاق تلقیلری عنوانی آلتنده شو الیم اعترافانده بولومش کورمک هیچ شبه یوقدرکه بر موفقیتر . ان شاء الله کیمی خطای اجتهادی ، کیمی ضلال فکری ، کیمی ده بوسبتون باشقه سسوائق ایله شهره حقیقتدن آریلوب ملتی چیمماز بوللره سوق ایدن ارباب قلم آرتیق فلاکت حاضره قارشوسنده اقباهه کلیرلرده محاط اولدیغمز مصائب مدهشندن صییریلوب چیقماق ایچون ال برلکیله چالیشیرلر .

فلسطین مظفرینی ر انکلیز لک تعصب دینیسی  
 ایلولک یکرمنی طقوزی بازاره مصادف اولمق حسیده انکلتزه نک  
 رئیس دینیسی اولان آرج پیشوب اوف قانتربوری قدس وفلسطینک

تورک حاکمیتدن قورتولمش اولسندن طولای بوتون انکلتزه کلیدلرنده فوق العاده بر آیین دینی اجرا ایتدیرمش و بو آینده مظفریت واقعه دن طولای جناب حقه شکرلر ایدیلشدر : مومی الیه نشر ایتدیکی بیاننامه ده دیورکه : « اید ایدرز که بو موفقیت همزه کوره مقدس اولان بو حوالی ایچون بر دور سعادتک مبدائی اولسون . » بو حوادتی نشر ایدن شرق قریب غزته سی شو سوزلری علاوه ایدیور : « بوقطعه نک اداره سی بک مشکل و ناز کدر . اورانک خلق بک دیندار و متعصبدرلر . اوفاق بر خطا ، یاخود بر قویولجیم بک قانلی و فجعیم مقاتلات دینییه سبب اوله بیلیر . شیمدی به قدر قدسده وقوع بولان اختلافه هیچ بر زمان مسلمانلر طرفدن سبیت ویریش دکلدی . اوراده اجرای حاکمیت ایتک ایستین ، همه حال ادیان سهاویه اربابنه حسن معامله ایتک و هیچ بر جماعتک حیاتی رنجیده ایتمک مجبوریتده در . »

سبیل الرشاد . — عجبا دیندن بحث ایتک ایستین هر مسلمانی تعصب دینی ایله اتهام ایدن انکلیزلر و مسلمانلرک انحطاطنه دینلرینی سبب عد ایدن بر طاقم کنجیلر بو معنیدار حرکت دیندارانه نه دیرلر ؟ غالباً تورکک ، یاخود اسلامیتک حاکمیتی تحقیر واستهزا ایدنلر قدسیتی محافظه ایده بیلیمک ایچون قدسی یکیدن مسلمانلره ااده ایتک مجبوریتده قاله جقلدر . حریت اقوام و انسانیتدن چوق دم دوران انکلیزلرک تعصبی مسلمانلره بر درس عبرت اولمایدلر .

سبیل الرشاد مجموعه سی اداره خانه سنه  
 محترم انندم ،  
 ( ۲۷۵ ) نوسرولو نسخه کزده بکا « چرکس » دیورسکرز . بن ملیق « عرق » دییه آکلامام . ملیت « دین ، لسان ، عرق » بر اکیدر . بوشکله برابر چرکس دکلم . پدرم « ساری یارده حسن آغا محله سنه ( ۲۸ ) نوسرولو خانه ده مقیم یاده بیکی باشیلغندن متقاعد عمر شوق ایتدیر . کندیسی برکله چرکسجه بیلمز قانقاسیالی بر نور کدر . کیدوب بالادات تحقیقات یابارسکرز . استانبوللو اولان آنهم ده مشهور حصکی مصطفانک طورونیدر .  
 ۲۴ تقریر اول ۱۹۱۸ عمر سیف الدین

سبیل رشاد  
 معزز وطنمزه خارجدن کتیریلدیکنده هیچ شبه من اولمیان قومیت جریانک نه مهلک نتیجه لر ویره جکفی یقیناً بیلدیکمز ایچون بو خصوصده اون سنه دن بری ایتمه دیکمز نیاز ، ویرمدیکمز نصیحت قالمادی . آرتیق اولان اولدی . شو صیره ده یکیدن بر مناقشه قابوسی آحق الله قالان بقیه بی ده تفرقه یه سوق ایتک دیمک اوله جنندن شیمدی لک سکوتی اولی کوردک .

اسلام لاشمق  
 بو موضوعه دائر اکابر امتدن پرنس سعید حلیم باشا حاضر تلری طرفدن غایت مهم بر اثر قلمه آلتشدر . کله جک هفته دن اعتباراً نشرینه باشلایه جغمز بو اثر کزینک بوتون امتجه کمال اهمیتله تعقیب ایدیله یله جکفی قویاً امید ایدرز .

ملال مطبعه سی  
 اشرف اوبی